



Sarajevo, 6.8.2017. godine

Obavijest o održavanju „Ljetnog kampa za nadarene matematičare 2017“

Udruženje matematičara Kantona Sarajevo (UM KS) u saradnji sa Internacionalnim Burč univerzitetom i institucijama Global Education organizuje „Ljetni kamp za nadarene matematičare 2017“.

1. Kamp će se održati u periodu **od 24.8.2017. do 29.8.2017.** godine.
2. Nastava će se odvijati u Internacionalnoj srednjoj školi u Sarajevu i u prostorijama Prirodno-matematičkog fakulteta Univerziteta u Sarajevu. Satnica aktivnosti i raspored predavanja se nalaze na web stranici Udruženja (umks.pmf.unsa.ba).
3. Prijave za kamp su otvorene od 6.8.2017. **do 21.8.2017.** godine. Prijave se vrše putem linka koji se nalazi na web stranici Udruženja.
4. Učenici će biti raspoređeni u četiri grupe: *Početna*, *Srednja*, *Predolimpijska* i *Olimpijska*. Više informacija o grupama se nalazi na web stranici Udruženja.
5. Osim redovnih predavanja, učenicima će biti organizovani testovi (simulacije takmičenja), te predavanja istaknutih stručnjaka iz nauke i prakse. Također, svim učesnicima je osiguran obilazak Sarajeva panoramskim autobusom sa vodičem.
6. Svi učesnici kampa će dobiti certifikate za učešće, a najuspješniji na testovima će dobiti i posebna priznanja, kao i popust za naredni kamp (1. mjesto u svakoj grupi će imati besplatan naredni kamp, dok će 2. i 3. mjesto plaćati 50% cijene kampa).
7. Predavanja će držati bivši uspješni olimpijci, osvajači mnogobrojnih medalja na međunarodnim takmičenjima i najuspješniji studenti Univerziteta u Sarajevu (osvajači Zlatnih znački): Admir Beširević, Harun Hindija, Sead Delalić, Adisa Bolić, Zlatko Salko Lagumdžija, Azur Đonlagić i Abdulah Jašarević.
8. Za učenike koji žele, osiguran je smještaj u prostorijama internata Sarajevo koledža. Više informacija o smještaju možete saznati u nastavku dokumenta.
9. Svi učesnici su obavezni uplatiti 60 KM na žiro račun Udruženja: **1610000156600012** kod Raiffeisen banke dd Sarajevo sa naznakom „*Za ljetni kamp 2017*“. U cijenu su uračunata predavanja (22 časa), organizacija i pregledanje testova (4 testa), predavanja istaknutih stručnjaka (2 predavanja) i panoramski obilazak grada sa ručkom.
10.
 - a. Učenici koji će biti smješteni u internatu Sarajevo koledža, na žiro račun Internacionalnog Burč univerziteta uplaćuju 70 KM. U cijenu je uračunato korištenje prostorija, slobodne aktivnosti (stoni tenis, odbojka, košarka...) i spavanje.
 - b. Učenici koji neće biti smješteni u internatu uplaćuju 30 KM na žiro račun Internacionalnog Burč univerziteta. U cijenu je uračunato korištenje prostorija za predavanja i testove te slobodne aktivnosti (stoni tenis, odbojka, košarka...).

Žiro račun Internacionalnog Burč univerziteta je: **1994970085240513** (SPARKASSE BANK).

11. Za učenike koji žele, u kuhinji Internacionalne srednje škole će biti osigurani doručak, ručak i večera po povoljnim cijenama.
12. Ovo je samo jedan od niza kampova za nadarene učenike koje UM KS ima u planu organizovati. Svakog augusta je planirano održavanje ljetnog kampa, dok je **u januaru planirano održavanje zimskog kampa**. Svaki naredni kamp se po gradivu nastavlja na prethodni. Također, UM KS će se, zajedno sa svojim partnerima, potruditi da nađe sponzore za predstojeće kampove koji će učenicima



Udruženje matematičara Kantona Sarajevo
Zmaja od Bosne 33-35, 71000 Sarajevo, Bosna i Hercegovina
E-mail: umks2016@gmail.com **Tel.:** ++ 387 33 279 874
Fax: ++ 387 33 649 342 **ID broj:** 4202191060004
Transakcijski račun: 1610000156600012

finansirati dio troškova, tako da bi u budućnosti učešće na kampovima moglo biti i po još povoljnijoj cijeni.

13. Za sve dodatne informacije se možete obratiti na e-mail: umks.skola@gmail.com.

Detaljnije informacije za učenike i roditelje

1. Iz nekih gradova će biti organizovan prevoz koji učenici mogu koristiti po vrlo povoljnim cijenama. U online prijavi svaki učenik treba napisati na koji način planira doći na kamp.
2. Učenici koji će biti smješteni u internatu mogu doći u prostorije kampusa na adresi *Francuske revolucije bb*. Dolazak je planiran 23.8. u periodu od 18-22 h, ili 24.8. do 8:30 h. Potrebno je da se jave portiru na ulazu u Internacionalnu srednju školu, koji će ih zatim uputiti do internata.
3. Svečano otvaranje kampa je predviđeno za 24.8. u 9 h u kino-sali Internacionalne srednje škole (treći sprat). Učenici najkasnije do 8:45 h trebaju doći ispred Internacionalne srednje škole. Otvaranju kampa može prisustvovati i pratnja učenika.
4. Svečano zatvaranje kampa će se održati 29.8. u istoj sali u 13 h. Zatvaranju kampa može prisustvovati i pratnja učenika.
5. Učenici se 29.8. u internatu mogu zadržati do 16 h.
6. Dana 26.8, u periodu od 13:30-17 h, predviđeno je slobodno vrijeme u kojem učenici mogu otići do Bašćaršije. Za mlađe učenike će biti osigurana pratnja. U online prijavi se roditelji ili staratelji trebaju izjasniti da li zahtijevaju pratnju za učenika.

Udruženje matematičara Kantona Sarajevo